



Inatsisartunut ilaasortaq  
Andreas Uldum  
-/maani

**§ 36, imm. 1 naapertorlugu inatsisartunut ilaasortap Andreas Uldumip, Demokraatit, apeqqutaanut nr. 2010-69-imut allakkatigut akissut.**

12. april 2010  
Sagsnr. 2010-028662  
Dok. Nr. 346570

**Katsorsartinnissamut neqeroorutit pillugit Naalakkersuisunut apeqqut.**

Postboks 1160  
Tlf: 34 50 00  
Fax: 32 55 05  
3900 Nuuk

Email: pn@nanoq.gl  
www.nanoq.gl

Nuannaarutigeqaara Inatsisartunut ilaasortaq imigassamut katsorsaasarneq pillugu apeqquteqarmat, pineqartormi massakkut eqqartorneqarlunilu pingaaruteqarmat. Pineqartaq upernaakkut ataatsimiinnermi Inatsisartuni oqallisigineqartussaavoq, Peqqissut-simullu Naalakkersuisutut kommunit aamma siuttuullutik ilisimasaqartut arlallit imigassamut katsorsaasamerup siunissami kommuninut tunniunneqarnissaa pillugu ataatsimeersuarnissamut qaaqqusimavakka.

Sisamanik apeqquteqartoqarpoq:

1. Nuummi Ilulissanilu Qaqiffinnut Namminersorlutik Oqartussat ukiumut qanoq amerlatigisunik aningaasartuuteqartarpat, kisitsisinngorlugit 1995-imit ulloq manna tikillugu?
2. Ukiut tamaasa qassit Qaqiffimmi katsorsarneqartarpat, kisitsisinngorlugit 1995-imit ulloq manna tikillugu?
3. Qassit iluatsitsisarpat, imatut paasillugu; katsorsartinneqartunit qassit atornerluinertik unitsittarpaat, kisitsisinngorlugit 1995-imit ulloq manna tikillugu?
4. Naalakkersuisut eqqarsaatigisimanerlugu naleqqutissanersoq katsorsaanermi katsorsaariaatsit allat atornerqarpata?

#### Apeqqummut 1-imut

Erseqqissaatigineqassaaq Qaqiffimmi imigassamut katsorsartinneq kislimi ingerlanneqarneq ajormat, aammali atornerluinerit allat pinnguaatinillu atuinngitsoorsinnaajunnaarsimanerit katsorsarneqartarmata. Katsorsartittut ilaat akuleriinnik atornerluisuupput. Tamatumani annertunerusumik katsorsaaneq ingerlanneqakkajuttarpoq.

**1999-2009-mut Qaqiffimmut aningaasartuutaasut tabelimi takuneqarsinnaapput**  
Namminersorlutik Oqartussat naatsorsueriaasianni naatsorsuutitut kisitsisit taamaallaat 1999 kingumut ilanngullugu takutinneqarsinnaapput. Aningaasartuutit takutinneqartut katsorsaanermut toqqaannartumik aningaasartuutaapput, aningaasartuutilli soorlu illunut aserfallatsaaliinermut atornerqartartut ilaatinneqaratik.

x 1000 kr.

	R 1999	R 2000	R 2001	R 2002	R 2003	R 2004
<b>Aningaasartuutit</b>	6.344	6.429	6.803	6.940	7.302	6.882
<b>Isertitat</b>	-2.063	-2.841	-3.872	-4.959	-4.016	-3.516
<b>Ilanngaaseereerluni aningaasartuutit</b>	<b>4.281</b>	<b>3.588</b>	<b>2.931</b>	<b>1.981</b>	<b>3.286</b>	<b>3.366</b>

x 1000 kr.

	R 2005	R 2006	R 2007	R 2008	R 2009
<b>Aningaasartuutit</b>	6.754	7.212	7.243	7.623	7.700
<b>Isertitat</b>	-3.717	-3.412	-3.009	-2.516	-2.555
<b>Ilanngaaseereerluni aningaasartuutit</b>	<b>3.037</b>	<b>3.800</b>	<b>4.234</b>	<b>5.107</b>	<b>5.145</b>

### Apeqqummut 2-mut

Tabelini takuneqarsinnaavoq inuit qassit Nuumi Ilulissanilu Qaqiffinni 1995-imit 2009-mut katsorsarneqarsimanersut inunnut imigassamut katsorsarneqarsimasunut taakkulu ilaqutaasa katsorsarnerinut agguataarlugit.

#### Nuuk

	1995	1996	1997	1998	1999	2000
<b>Katsorsarneqartut</b>	<b>26</b>	<b>73</b>	<b>105</b>	<b>84</b>	<b>58</b>	<b>120</b>
<b>Ilaqutaasut katsorsarneqartut</b>	-	-	-	-	<b>116</b>	<b>115</b>

#### Ilulissat

	1995	1996	1997	1998	1999	2000
<b>Katsorsarneqartut</b>	-	-	-	<b>3</b>	<b>50</b>	<b>76</b>
<b>Ilaqutaasut katsorsarneqartut</b>	-	-	-	-	-	<b>110</b>

#### Katillugit Qaqiffik Nuuk + Ilulissat

	1995	1996	1997	1998	1999	2000
<b>Katsorsarneqartut</b>	<b>26</b>	<b>73</b>	<b>105</b>	<b>87</b>	<b>108</b>	<b>196</b>
<b>Ilaqutaasut katsorsarneqartut</b>	-	-	-	-	<b>116</b>	<b>225</b>

#### Nuuk

	2001	2002	2003	2004	2005	2006	2007	2008	2009
<b>Katsorsarneqartut</b>	<b>129</b>	<b>117</b>	<b>88</b>	<b>90</b>	<b>100</b>	<b>72</b>	<b>82</b>	<b>84</b>	<b>79</b>
<b>Ilaqutaasut katsorsarneqartut</b>	<b>117</b>	<b>135</b>	<b>151</b>	<b>116</b>	<b>172</b>	<b>111</b>	<b>77</b>	<b>82</b>	<b>83</b>

#### Ilulissat

	2001	2002	2003	2004	2005	2006	2007	2008	2009
<b>Katsorsarneqartut</b>	<b>91</b>	<b>93</b>	<b>109</b>	<b>109</b>	<b>110</b>	<b>86</b>	<b>60</b>	<b>79</b>	<b>96</b>
<b>Ilaqutaasut katsorsarneqartut</b>	<b>208</b>	<b>258</b>	<b>246</b>	<b>211</b>	<b>206</b>	<b>169</b>	<b>123</b>	<b>141</b>	<b>142</b>

#### Katillugit Qaqiffik Nuuk + Ilulissat

	2001	2002	2003	2004	2005	2006	2007	2008	2009
<b>Katsorsarneqartut</b>	<b>220</b>	<b>210</b>	<b>197</b>	<b>199</b>	<b>210</b>	<b>158</b>	<b>142</b>	<b>163</b>	<b>175</b>
<b>Ilaqutaasut katsorsarneqartut</b>	<b>325</b>	<b>393</b>	<b>397</b>	<b>327</b>	<b>378</b>	<b>280</b>	<b>200</b>	<b>223</b>	<b>225</b>

Qaqiffinni nalinginnaasumik utaqqisunut allattorsimaffinniittoqarneq ajorpoq. Kommunit Qaqiffiit saniatigut imigassamut katsorsaasunut namminersortunut innersuussinissaminut periarfissaqarput.

### **Apeqqummut 3-mut**

Sullitat katsorsarneqareeraangata piumasaqaataasumillu katsorsarnermik nangitsereeraangata Qaqiffiit sullitanut attaveqarneq ajorput. Kingornatigut sullitat namminneq asersuutigalugu AA aqutigalugu katsorsartinnertik nangittarpaat, tamannalu programip najoqutassaanut ilaavoq. Tamatuma saniatigut inunnut Qaqiffinni imigassamut katsorsarneqarsimasunut sivisuumik malittarinninnissamik suliaqartoqarsimanngilaq, taamaallillunilu nalunaarsuisoqarsimanani sullitat qassit atornerluinerminnit ataavartumik aniguisarnerannik.


Nunarsuarmi allani naatsorsueqqissaarnerni takuneqarsinnaavoq sullitat pingajorarterutaasa missaat katsorsaariaaseq (Minnesota malillugu katsorsaaneq) Nunatsinni neqeroorutaasoq aqutigalugu ikiorneqartartut ataavartumik ikiorneqarsinnaanngitsut. Sullitat pingajorarterutaat allat inuunerup ingerlanerani kingusinnerusukkut utersaarsinnaasarput inuunerulli ilaani imigassamik atuissaavittarlutik. Pingajorarterutaat kingullit utersaarnatik ingerlalluarterput. Nuummi Qaqiffimmi pisortaasoq malillugu Nunatsinni iluat-sittartut nunarsuarmi allanut naleqqiullugu allaanerunerannik takussutissaqanngilaq.

Taamatut angusaqarsimanermi isiginiarneqassaaq atornerluinermut Minnesota malillugu katsorsaasarneq inunnut annertuumik atornerluisunut neqeroorutaasarmat.

### **Apeqqummut 4-mut**

Imigassamut katsorsaasarnerup kommuninik iluarsartuusseqqinnerup kingunerisaanik piffissaq ungasinnerusooq isigalugu kommuninut tiguneqarnissaa pilersaarutaavoq. Naalakkersuisut katsorsaariaatsinik nutaanik massakkorpiaq aallartitsinissamik pilersaaruteqanngillat, siunissami imigassamut katsorsaasarnissat kommunit suleqatigalugit oqalligineqarlutillu pilersaarusiorneqartussaammata.

Inussiarnersumik inuulluaqqusillunga



Agathe Fontain



24. marts 2010

Inatsisartut Suleriaasianni § 36 imm. 1 naapertorlugu Naalackersuisunut apeqquq imaattoq matumuuna saqqummiuppara:

**Naalackersuisunut apeqquq Qaqiffik pillugu.**

(Inatsisartuni ilaasortaqaq Andreas Uldum, Demokraatit)

**Tunngavilersuut:**

Qaqiffik atulerpoq aggustimi 1995-mili, taamani katsorsaavik siullerpaaq Nuummi ammarneqarmat. Ukiut pingasut kingorna allat katsorsaavik Ilulissani ammarneqarpoq. Inatsisartut upernaqaq manna ataatsimiinnissaannut siunnersuutigineqarpoq, Tasiilami Qaqiffimmik ammaasoqassasoq. Tamanna tunngavigalugu pisariaqartippara Qaqiffik pillugu apeqquqit arlallit akineqarnissaat.

Nuummi Ilulissanilu Qaqiffimmut Namminersorlutik Oqartussat ukiumut qanoq amerlatigisunik aningaasartuuteqartarpat ? Kissaatigaara 1995-miit ullumimut ukiumoortumik aningaasartuutaasarsimasimut kisitsisinngorlugit saqqummiunneqarnissaat.

Ukiut tamaasa qassit Qaqiffimmi katsorsartittarpat ? Kissaatigaara 1995-miit ullumimut ukiumoortumik aningaasartuutaasarsimasimut kisitsisinngorlugit saqqummiunneqarnissaat.

Iluatsitsineq qanoq nalilerneqartarpa, imatut paasillugu katsorsartittut qassit atonerluisuunertik qaangertarpat ? Aamma tamatumani kissaatigaara akissutip ilaatut 1995-miit ullumimut ukiumoortumik aningaasartuutaasarsimasimut kisitsisinngorlugit saqqummiunneqarnissaat.

Qaqiffimmi katsorsaariaaseq aalajangersimasoq atorneqartarpoq, tassa katsorsaariaaseq Minnesota Modellen tunngavigalugu. Naalackersuisut eqqarsaatigisimanerlugu naleqqutissanersoq katsorsaanerme katsorsaariaatsit allat atorneqarpata ?

Apeqquq akeqquneqarpoq piffissarititaasut ullut naliginnaasumik suliffiusut qulit iluanni.